

T2726.2/1923

(6)

93

大明英宗睿皇帝實錄卷之九十三

正統七年六月庚寅朔賜太僕寺少卿崔奎誥命并封贈其父母妻先是奎以私過未獲給誥命至是以為請

上命給之○陞錦衣衛千戶王山為本衛世襲指揮同知山太監振之姪也○命江西瑞州府知府劉說復任陞從三品俸說任滿詣京自陳老疾乞致仕部民千餘人言其廉公有為克勤政務乞留復任巡按御史以聞吏部言說猶堪任使故有是命○命寧夏等衛旗軍糧月增米一斗餘仍折布絹

從總兵官都督史昭奏請也○辛卯晉王鍾鉉奏
襲受國封欲親來謝

上以遠道跋涉良艱復書止之○書復秦王志潔曰
承喻府中缺承奉等官內使劉全等堪用今悉如
所喻授全為承奉正解澄為承奉副田寶為典寶
副侯介為典膳副文企為典服副楊興楊澄陶碧
俱為門正趙余阮林戴知阮東俱為門副令各就
職叙其亮之○四川長河西魚通寧遠等處宣慰
使司刺麻賈思巴等貢馬賜綵段表裏衣服靴鞮
有差○韓府開城王範圮奏父韓恭王薨逝祿米

住支宮眷數多所得祿米六百石不足供給

上命增給米四百石○山東濟南府奏所屬州縣倉
糧多庫鈔少每遇起運遼東賞軍鈔無從出辦今
年存留糧米乞令每一石折鈔一百貫貯庫備用
從之○勅總督備倭都指揮使李信及浙江三司
巡海御史等曰朕聞近年逃軍逃民與倭寇交通
或被其劫制詢我虛實然後乃敢捨舟登岸殺虜
軍民爾等宜從長計議凡海口港汊通賊去處或
開濠塹或為吊橋或城門可併者併之或水邊要
害去處砌築垣墻置門出入不許居民臨水開市

以誘賊寇及私下海泄漏聲息嚴督旗軍輪流瞭望若失瞭望致賊登岸者必殺不赦若賊登岸令驍勇者從間道燒其舟楫亦足致勝爾等宜博采衆議區畫方畧條奏以聞○廣西田州府上林縣土官頭目黃福等貢馬賜鈔絹有差○設雲南鶴慶軍民府醫學置正科一員○命江西南昌府新建縣主簿袁景春饒州府鄱陽縣主簿沈斌復任俱陞正八品俸景春斌九載任滿考稱當陞縣民言其理事詳明乞留復任巡按御史等官覆實以聞故有是命○日下承氣一道色青赤鮮明○癸

巳遣中官祭中雷之神○襄垣王遜燁奏府中乏厨役使令

上命於鄰邑僉四人與之○昏刻南方有星大如雞彈色赤有光起心宿西行至濁○甲午陞湖廣都司都指揮僉事馬翔為本司都指揮使以其征麓川功也○南京刑部尚書施禮以年七十乞致仕上以禮重厚老成特留任事○夜有流星大如杯色青白光明出天市西垣外入右攝提○乙未松滋王貴烜薨王遼簡王第八子母張氏永樂二年生其年四月冊封至是薨年三十有九訃聞

上輟視朝一日遣官致祭謚曰安惠命有司營葬事
○直隸大名府清豐縣負欠草九萬八千餘束民
訴艱難乞賜秋成補納從之○直隸徐州并所屬
蕭沛二縣各訴小麥無收夏稅乞准折布奏下戶
部請令麥一石二斗折布一疋解京交納從之○
丙申命南京戶部每歲專委官一員提督放糧註
銷糧數從南京兵科給事中劉昭奏請也○戊戌
四川播州宣慰使楊綱等貢馬賜鈔絹絲段等表
裏有差○己亥擢進士張諫王晏尚褫俱為行人
司行人○庚子哈密忠順王倒瓦答失里遣使臣

千戶莽恪刺等貢馬及方物賜衣服靴襪有差○
命建州右衛故指揮同知皂花子額頂勒襲職○
工部以有司所造九龍九鳳膳亭及龍鳳白瓷碓
俱不及式請治提調官罪復令改造
上恐勞民詔勿改造提調官俱宥之○壬寅陞廣東
惠州府通判鄭述為南雄府知府從按察使郭智
等薦其行謹才優故也○起復陝西西安府咸陽
縣知縣王瑾瑾丁父喪去職縣民千餘人言其庶
能公恕乞留復任鎮守都御史陳鑑以聞故有是
命○命故廣西都指揮僉事史椎子能襲為指揮

僉事濟南衛指揮使李永子信通州衛指揮同知
潘晟弟昶府軍右衛指揮僉事徐釗子通俱襲職
致事通州衛指揮使鄭玉子雲金吾左衛指揮僉
事孟敬子原金吾後衛指揮僉事任興子瑄羽林
前衛指揮僉事王興子晟永清左衛指揮僉事張
興子振俱代職○癸卯戶部議順天府大興縣主
簿洪振所言四事一在京富戶逃故宜行原籍取
勘果消乏者許別僉解補死絕并全戶充軍年老
無依放回者准令除豁一各處起發并為事為民
逃故者宜將見在戶併作四也死絕并全戶充軍

者除豁原撥地畝許人承種納稅逃者不獲解戶
丁補役一住坐匠先雖撥地與之然多寫遠沙浙
窪鹵不堪耕種虛包糧草負欠艱難宜為分豁及
減半徵收一各處官吏軍民有因事故改調遺下
子弟家人在京潛住為非致罪宜令兵馬司挨究
許於大興宛平縣附籍當差如係軍匠令聽繼役
有欺隱者治罪軍衛亦不許多占餘丁宜退出本
縣入冊當差

上曰所議皆是京城戶口當清匠戶亦當優卹其有
新撥田土者免其糧草一年餘令所司速行之○

甲辰書復魯王肇輝曰承喻欲來賀立中宮足見親厚之意但道途跋涉非易可不必來後諸王欲來賀者俱復書止之○命直隸真定府平山縣知縣張璟復任陞從六品俸先是巡按御史陳璞奏璟撫字有方今九載任滿民乞留之事下吏部考驗政績以聞故有是命○戶部言先因徐州小麥無收已奏准聽折布今直隸淮安鳳陽廣平三府所屬沭陽臨淮永年等縣亦奏風霧傷麥恐各府災傷如此者多宜從民便願折布者如例折布願折鈔者每石折鈔一百貫俱解京交納從之○山

東按察司僉事蕭啓奏山東與直隸府州縣遇收賑濟還官糧宜每石加耗五升以補正支之數上曰於中有熒獨者免其耗糧餘如奏○乙巳命故通州把總都指揮同知劉斌子增襲為指揮使江西都指揮僉事魏廣子性代為袁州衛指揮僉事○南康大長公主子孝陵衛指揮僉事胡忠奏有疾不能奉公主祀乞以其子靖代職奉祀從之○雲南總兵官右都督沐昂奏芒市陶孟力放革遣人來訴與叛寇思任發有讎今思任發已遠遁其思機法兄弟三人來居麓川者蓋地方願擒之以

獻兵部言思機法乃放革先與賊首思任發同惡
今見勢窮乃言結釁其情譎詐俱難憑信宜再降
勅諭思機法如誠意革心向化令其父子兄弟一
人赴京謝罪仍諭乃放革如能去逆効順則當密
調土兵以助勦思機法

上從其言○丙午書復枝江王貴熠曰承喻府中缺
內使今遣內使阮源等四人來備使令其善遇之
○靖遠伯王驥有疾命醫療之○丁未宥工部左
侍郎王邕右侍郎張琦罪初命邕等新作京衛武
學邕等欲暫留舊學俟擇地改創

上怒命錦衣衛逮邕等鞫問至是釋之仍住俸二月

○戊申朝鮮國王李禔遣陪臣李邊等貢馬方物
賜宴賜綵段表裏絹布衣服靴襪有差○漕運右
叅將都指揮僉事湯節言自通州張家灣抵朝陽
等門四十餘里每夏運糧者多傷暑渴請令所司
三里置一水缸仍植柳道傍以供休息

上是其言○己酉命客商於金齒司中鹽者每引納
米二斗大理府中者每引納米二斗五升俱於淮
浙及四川雲南鹽課內不拘資次支給○庚戌復
除湖廣道監察御史趙敬於貴州道以母喪服闋

也○命陝西編發為民及當富戶在逃者暫停解
以其旱飢故也○內官張政家人有訴願還原籍
養母者

上不准其請令發邊衛充軍○湖廣并貴州三司各
奏每歲供邊軍宜於稅糧內折銀布運給為便奏
下戶部言湖廣糧每年該運偏橋等衛者宜令五
分納米五分析銀其所屬府州縣近貴州地方者
每年糧折布十萬匹運赴鎮遠府供給貴州迤東
興隆等衛官軍四川所屬近貴州者每年糧亦准
此數折布運赴永寧衛給貴州迤西暨南普安等

衛官軍或布運沉重民願折銀者聽從之○壬子
山東萊州府掖縣奏戶口食鹽價米乞准折布戶
部言宜令每石折布一匹運赴遼東備用

上曰萊州雖近遼東而海道艱難其審而行之以從
民便○命戶部侍郎焦宏往浙江整飭備倭先是
浙江三司奏五月二十二日以後倭寇二千餘人
臨爵溪千戶所城雖被官軍擊却尚潛海島兵部
言宜遣大臣一員往理其事故有是命○廣東高
州府茂名縣儒學教諭傅璿奏洪武永樂間百官
庶位專責吏部精選間行照舉之典及民情保留

之例有司明著其跡以聞然後斷自
宸衷以次舉用邇者詔許廷臣三品以上舉御史方
面五品以上及在外大臣舉牧民正官誠良法也
然行之既久奔競之風盛行彼此效尤恬不知愧
其弊不可勝言乞為罷之嚴勅吏部一依
祖宗成規精選賢才仍令法司密加體察以糾私繆
庶乎公道宣行而所用皆賢事下吏部議尚書璉
等言方面府正缺宜仍舊舉保其知縣缺先已奉
旨令本部精選今後御史知州缺宜從璿言暫停
舉保之例仍移文各處憲司廉察有貪求倖進者

即論罪罷黜以警將來

上從之○乙卯賜禮部右侍郎侯璉誥命并封其父
母妻先是璉以私過例不獲給誥命至是上章懇
請遂命給之○丙辰封寧府莊惠世子庶第三子
奠壘第四子奠堵第五子奠壘俱為鎮國將軍賜
誥命○賜四川播州宣慰使楊綱誥命○江西廣
昌縣縣丞張壽芳奏請修近縣江岸并旌善申明
二亭入於水者從之○吏部驗封司郎中缺負數
年監察御史丁澄言天下賢才之廣豈無一人堪
其任者

上命吏部擇人用之適貴州道監察御史馬謹九載
任滿尚書郭璉等薦謹資質謹厚廉公有為遂命
為之○少師兼工部尚書吳中卒中字思正山東
武城縣人洪武中由監生授營州後屯衛經歷
太宗靖難中迎駕有功屢陞至右都御史肇建北京
改工部尚書又改刑部洪熙初進太子少保宣德
初進少保尋坐事奪少保久之復其位仍還工部
三殿成進少師至是卒年七十一訃聞遣官諭祭
命有司營葬追封莊平伯謚榮襄官其子賢為工
部主事中儀觀魁偉奏對洪亮有材能累朝營建

山陵宮殿中皆與有勞然昧於大體誦事中貴不恤
民力惟黷聲色貨利寵妾數十每房各具衣及帶
中隨所至而服之且畏其妻不敢忤嘗頒誥命妻
命左右曰取吳中誥來為我誦之聽畢曰此文是
天子自為乎儒臣代草乎曰亦儒代草耳妻曰代草
甚當今誦之終篇何嘗有一清字有一廉字乎中
聞之亦不敢怒也○丁巳四川董卜韓胡宣慰使
司番僧刺麻端谷祿堅遷等辭歸命齋勅及錦段
表裏歸賜其土官喃葛等○勅諭朝鮮國王李禔
曰得遼東總兵鎮守官奏東寧衛軍朴都干你永

樂三年二月間携妻任氏并男朴嵩伊朴邦伊逃
往王國別東村鴨綠江邊居住被張千戶收籍為
民後朴都干你病故任氏復同男朴嵩伊妻子五
人隨本處千戶江定春於別旦堡守備今任氏念
次男朴隆伊在原衛同男朴邦伊等大小男婦十
七人於今年正月十五日晚乘鴨綠江凍合潛還
遺下男朴嵩伊男婦五人在江定春處勅至王即
挨究朴嵩伊等到官審實明白遣人送還遼東總
兵鎮守官給任氏完聚使得遂母子之情惟王秉
禮守法朕所素知但慮下人不能體王之心而隱

蔽之王其體朕至意○又勅禔曰得奏知力拒達
達事良用嘉悅王之忠誠朕所素知初非待今之
奏也蓋迤北達達名脫脫不花者權臣脫歡立之
為主雖假以虛名實專其權前歲脫歡已死其子
也先繼領其衆擅權如故每歲脫脫不花及脫歡
父子皆遣人來朝貢馬朝廷亦常遣使往彼答賜
禮物與之通好實則謹飭邊備防之甚嚴王之所
言必是此種部落今後如彼再有人來但堅此誠
若其虛張大言只應嚴固邊備亦慮野人女直中
或有小人因此為鼠竊者不可不戒也使回特賜

王綺幣表裏至可頌也○戊午

皇后千秋節免命婦朝賀○浙江嚴州府民程懋

正衢州府民華慶杭州府民周通金華府民方維

賢處州府民金惟廣等直隸大名府民于敬山東

萊州府民劉思英河南開封府民尹長壽直隸淮

安府民丘辛一安慶府民汪思義金騰徐永元屈

永德各出稻麥千石有奇賑濟飢民詔賜璽書旌

勞復其家

大明英宗睿皇帝實錄卷之九十三

車綺帶表裏至可頌也 戊午

皇后千秋節免命婦朝賀 浙江嚴州府民程懋
正衢州府民華慶杭州府民周通金華府民方維
賢處州府民金惟廣等直隸大名府民于敬山東
萊州府民劉思英河南開封府民尹長壽直隸淮
安府民丘辛一安慶府民汪思義金騰徐永元屈
永德各出楮麥千石有奇賑濟飢民詔賜璽書旌
勞復其家

大明英宗睿皇帝實錄卷之九十三

